



RUNDTUR MED INNBYGGJARTREFF 25.08.20

Avreise med buss frå Heradshuset, Dale kl. 11. 30, i retning Gullbrå, Nesheim, Yksendalen, Fjellanger, Eidslandet, Stamnes, Straume og retur til Dale kl. 19.45.

Besøkstid	Stad	Aktivitet
12.40-13.10	Gullbrå	Møte med leiar i Bygdarådet, Frøydis Gullbrå
13.25-14.10	Nesheim	Driftsbygning Nesheim. Orientering av Tore Henrik Øye og Gaute og Haldis Øvstedal
14.30-14.50	Yksendalen	Stiprosjekt Yksendalen- Møte med Stølsvegen bygdelag ved Britt Ingeborg Eide og Kari Brørvik
15.00-15.20	Fjellanger	Haugen Fjellgard. Orientering av Olaug Elisabeth Holt og Einar Trefall
15.30-16.15	Eksingedalen Snarkjøp	Innbyggjartreff utanfor Eksingedalen Snarkjøp Sjølvetent butikk, orientering ved Hege Lavik Orientering frå Ekso villfisk ved Rune Nesheim og Bjarne Lavik
16.45-17.50	Eidslandet grendahus	Servering av betasuppe Utvalsmøte
18.15-19.00	Stamnes	Innbyggjartreff utanfor Joker Stamnes Orientering Liv og Lyst ved Line Eide Vik
19.10-19.30	Straume	Utglliding av matjord og flaum, orientering ved Arne Normann og grunneigarar

Lunsj: Deltakarane vil få 3 halve baguettar og drikke ved oppstart kl 11.30.

Ekstra: Det vil bli høve til å kjøpa noko sjølv ved Eksingedalen handel kl 15.30.

Middag: Det vert servert betasuppe kl 16.45.

OBS – Hugs å nytta gjeldande smittevernreglar



MØTEINNKALLING BYGDEUTVIKLINGSUTVALET

Møtedato: 25.08.2020
Møtested: Eidslandet Grendahus
Møtetid: 16:45 - 17:50

Eventuelle forfall / melding om møtande varamedlem må meldast på [møteportalen](#) eller til Lin Tove Thomassen epost lin.tove.thomassen@vaksdal.kommune.no

RUNDTUR MED INNBYGGJARTREFF

Utvalet har sett av dagen til rundtur Eksingedalen- Eidslandet – Stamnes med start frå Dale kl. 11.30 og retur kl 20.00.

Innbyggjarar som ønskjer å stilla spørsmål til utvalet vil få høve til dette ved butikkane på Lavik og Stamnes. Det er sett av tid til innbyggjartreff som vert kunngjort i avis og på nett.

UTVALSMØTE

Det vert eit kort utvalsmøte med servering frå kl 16.45.

ORIENTERINGAR

Trafikksikring
Ras i Toskedalen

SAKSLISTE

SAKSNR	TITTEL
14/2020	GODKJENNING AV INNKALLING OG SAKSLISTE
15/2020	GODKJENNING AV MØTEPROTOKOLL
16/2020	LØYVING AV ØKONOMISK TILSKOT TIL FILMPROSJEKT OM PROFILERING AV VAKSDAL KOMMUNE SOM BUSTAD

17. august 2020

Edvin Hesjedal
Leiar



SAKSPAPIR

Saksnr	Utval	Type	Dato
14/2020	Bygdeutviklingsutvalet	PS	25.08.2020

Sakshandsamar	Arkiv	ArkivsakID
Lin Tove Thomassen	FE-033	20/1118

GODKJENNING AV INNKALLING OG SAKSLISTE

Rådmannen sitt framlegg til vedtak:

Innkalling og saksliste vert godkjent.



SAKSPAPIR

Saksnr	Utval	Type	Dato
15/2020	Bygdeutviklingsutvalet	PS	25.08.2020

Sakshandsamar	Arkiv	ArkivsakID
Lin Tove Thomassen	FE-033	20/1118

GODKJENNING AV MØTEPROTOKOLL

Vedlegg:

Protokoll - Bygdeutviklingsutvalet- 26.05.2020

Rådmannen sitt framlegg til vedtak:

Protokollen vert godkjent slik han ligg føre.



MØTEPROTOKOLL BYGDEUTVIKLINGSUTVALET

Møtedato: 26.05.2020
Møtestad: Fjernmøte
Møtetid: 10:00 - 12:30

Møtedeltakarar:

Medlemmer	Parti	Rolle
Edvin Hesjedal	H	Utvalseiar
Line Eide Vik	SP	Nestleiar
Mona Grenasberg	SV	Medlem
Ståle Kallestad Hesjedal	AP	Medlem
Arne Normann	KRF	Medlem

Andre møtande:

Rådmann Atle Fasteland,
Kommunalsjef samfunnsutvikling Helge Berset,
Politisk sekretær Lin Tove Thomassen

Saksliste

SAKSNR	TITTEL
09/2020	GODKJENNING AV INNKALLING OG SAKSLISTE
10/2020	GODKJENNING AV MØTEPROTOKOLL
11/2020	RETNINGSLINJER FOR TILSKOT TIL BYGDEUTVIKLING
12/2020	TILDELING AV TILSKOT TIL TILTAK MOT ARTEN SKOGBRUNSNIGLE I 2020 - FELLESAKSJON VAKSDAL, STANGHELLE OG DALE.
13/2020	SØKNAD OM TILSKOT - TURBROSJYRE



09/2020: GODKJENNING AV INNKALLING OG SAKSLISTE

Rådmannen sitt framlegg til vedtak:

Innkalling og saksliste vert godkjent.

Bygdeutviklingsutvalet 26.05.2020

Behandling:

Med heimel i mellombels forskrift for gjennomføring av fjernmøter i folkevalde organ, § 2, vart kommunestyremøtet gjennomført som eit fjernmøte

Samrøystes vedtak

BYG - sak 09/2020 Vedtak/Tilråding:

Innkalling og saksliste vert godkjent.

10/2020: GODKJENNING AV MØTEPROTOKOLL

Rådmannen sitt framlegg til vedtak:

Protokollen vert godkjent slik han ligg føre.

Bygdeutviklingsutvalet 26.05.2020

Behandling:

Samrøystes vedtak

BYG - sak 10/2020 Vedtak/Tilråding:

Protokollen vert godkjent slik han ligg føre.

11/2020: RETNINGSLINJER FOR TILSKOT TIL BYGDEUTVIKLING

Rådmannen sitt framlegg til vedtak:

Bygdeutviklingsutvalet godkjenner vedlagde «Retningslinjer for tilskot til bygdeutvikling». Tilskotsordninga trer i kraft frå vedtaksdato.



Bygdeutviklingsutvalet 26.05.2020

Behandling:

Utvalet gjorde slike endringar i retningslinjene i møte:

- Fjerna punkt med spørsmål om tak på løyvinga
- Løyvingane som skjer to gongar i året, skal skje i mars og september
- Fjerna punkt om at tilskotsordninga ikkje skulle gjelde einskildarrangement.
- Fjerna parentes (gratis?) etter setninga: "Midlane skal koma mange til gode, skape trivsel, aktivitet og vere ope og tilgjengeleg for alle."
- Siste punktet Krav om budsjett og finansiering vart fjerna.

Det vart deretter røysta over retningslinjene, som vart samrøystes vedteke.

BYG - sak 11/2020 Vedtak/Tilråding:

Bygdeutviklingsutvalet godkjenner vedlagde «Retningslinjer for tilskot til bygdeutvikling».
Tilskotsordninga trer i kraft frå vedtaksdato.

**12/2020: TILDELING AV TILSKOT TIL TILTAK MOT ARTEN SKOGBRUNSNIGLE I 2020 - FELLESAKSJON
VAKSDAL, STANGHELLE OG DALE.**

Rådmannen sitt framlegg til vedtak:

Rådmannen legg fram to alternative framlegg til vedtak.

ALTERNATIV 1

Bygdeutviklingsutvalet i Vaksdal kommune løyver kr. 15 000,- til innkjøp av Nemaslug i samband med fellesaksjonen mot utbreiing av arten skogbrunsnigle på Vaksdal, Stanghelle og Dale, sommaren 2020.

Løyvinga tek utgangspunkt i «Retningslinjer for Bygdeutvalet», og tilskotet vert løyvd til Vaksdal Hagelag, med samarbeidpartar.

Løyvd tilskot vert betalt ut på bakgrunn av dokumenterte utgifter (kopi av faktura). Tilskotsmottakar kan oppgje Vaksdal kommune som fakturamottakar for beløp inntil den løyvde summen.

ALTERNATIV 2

Med bakgrunn i «Retningslinjer for Bygdeutvalet», tek utvalet stilling til løyving av kr. 28 000,- til fellesaksjonen mot utbreiing av arten skogbrunsnigle på Vaksdal, Stanghelle og Dale i 2020, i samband med tildelingsmøte hausten 2020.



Bygdeutviklingsutvalet 26.05.2020

Behandling:

Rådmann Atle Fasteland orienterte om at saka vil bli handsama av formannskapet.

Det vart ikkje gjort vedtak i saka.

BYG - sak 12/2020 Vedtak/Tilråding:

13/2020: SØKNAD OM TILSKOT - TURBROSJYRE

Rådmannen sitt framlegg til vedtak:

Bygdeutviklingsutvalet i Vaksdal kommune løyver kr. 15 000,- til utarbeiding av brosjyrar med turinformasjon for Vaksdal. Løyvinga tek utgangspunkt i «Retningsliner for tilskot til bygdeutvikling».

Tilskotet vert løyvd til Farfar Reklamebyrå AS på vegne av Vaksdal Turlag og betalt ut på bakgrunn av dokumenterte utgifter (kopi av faktura). Tilskotsmottakar kan oppgje Vaksdal kommune som fakturamottakar for beløp inntil den løyvde summen.

Bygdeutviklingsutvalet 26.05.2020

Behandling:

Rådmann Atle Fasteland orienterte om saka.

Utvalet drøfta saka.

Utvalet påpeikar at Vaksdal Turlag skulle ha stått som avsendar på ein slik søknad, men at dei i denne samanhengen ønskjer å støtte søknaden.

Utvalet ønskjer også at det vert laga ei digital utgåve, som kan publiserast på kommunen si heimeside, Vaksdal turlag si nettside og der det elles er mogleg.

Rådmannen sitt framlegg til vedtak vart samrøystes vedteke.

BYG - sak 13/2020 Vedtak/Tilråding:

Bygdeutviklingsutvalet i Vaksdal kommune løyver kr. 15 000,- til utarbeiding av brosjyrar med turinformasjon for Vaksdal. Løyvinga tek utgangspunkt i «Retningsliner for tilskot til bygdeutvikling».

Tilskotet vert løyvd til Farfar Reklamebyrå AS på vegne av Vaksdal Turlag og betalt ut på bakgrunn av dokumenterte utgifter (kopi av faktura). Tilskotsmottakar kan oppgje Vaksdal kommune som fakturamottakar for beløp inntil den løyvde summen.



ORIENTERINGAR

Landbruksrådgjevar Tore Henrik Øye orienterer om Landbruksfondet.

Rådmannen legg opp til at kommunestyret skal få same orientering i kommunestyremøte til hausten.

Orienteringar frå rådmannen

- Planlegging av synfaringar første møte til hausten - 25. august.
- Spørsmål knytt til flaumsikring kjem til FPØ i juni.
- Mykje ressursar er brukt i samband med korona-situasjonen, som påverkar andre oppdrag som har blitt utsatt.

Spørsmål:

Ståle Hesjedal (AP) stilte to spørsmål:

1. Kva er status når det gjeld Dalseidvegen?

Kommunalsjef Helge Berset svarte.

2. Vert Agnavika opna til sommaren?

Kommunalsjef Helge Berset svarte.

Arne Normann (KRF) stilte spørsmål knytt til flaumsikring og tidlegare bekymringsmelding.

Rådmannen svarte

Mona Grenasberg (SV) stilte spørsmål knytt til gras beplantning og innsyn i Agnavika.

Kommunalsjef Helge Berset svarte.

Ho stilte i tillegg spørsmål om om det har vore teke bunnprøvar frå båt ved Stanghelle.

Kommunalsjef Helge Berset svarte.



SAKSPAPIR

Saksnr	Utval	Type	Dato
16/2020	Bygdeutviklingsutvalet	PS	25.08.2020

Sakshandsamar	Arkiv	ArkivsakID
Tore Henrik Øye	FE-233	20/871

LØYVING AV ØKONOMISK TILSKOT TIL FILMPROSJEKT OM PROFILERING AV VAKSDAL KOMMUNE SOM BUSTAD

Vedlegg:

Søknad om tilskot til filmprosjekt

Rådmannen sitt framlegg til vedtak:

Bygdeutviklingsutvalet i Vaksdal kommune (BU) løyver kr. 7 000,- i tilskot til utarbeiding av profileringsfilm om kvalitetar ved å bu i Vaksdal, til bruk på sosiale medie. Løyvinga tek utgangspunkt i «Retningsliner for tilskot til bygdeutvikling».

Tilskotet vert tildelt føretaket Stamnes dronfoto, ved Rune Langeland. Utbetaling skjer på grunnlag av dokumenterte utgifter med filmprosjektet, tilsvarande løyvd tilskotssum. Tilskotet er knytt opp mot arbeidskostnadar og direkte investeringar for prosjektet.

Det vert sett som føresetnad for tilskotet at naudsynte løyve er innhenta før oppstart.

Saksopplysningar:

Samandrag/konklusjon (kort om saka)

Rune Langeland, som driv føretaket Stamnes dronfoto, søker Bygdeutviklingsutvalet i Vaksdal kommune om kr. 7 000,- i stønad til å lage film som profilerer Vaksdal kommune som stad å bu. Bakgrunnen for initiativet er nedgangen i folketalet i kommunen dei siste åra. Føremålet med prosjektet er å vise fram kva dei ulike bygdene i Vaksdal har å by på som buplassar, vonleg for å skape interesse som kan medverke til tilflytting og positiv folketalsutvikling.

Rådmannen viser til politikarane sine diskusjonar om problemstillinga kring folketalsutvikling, med planar om eit tiltaksprogram for å fremje utviklinga. Søkjar sitt initiativ vert vurdert som positivt,

og innhaldet i søknaden fell saman med Bygdeutviklingsutvalet sine retningslinjer for tildeling av tilskotsmidlar.

Rådmannen går inn for at Bygdeutviklingsutvalet løyver kr. 7000,- i tilskot til den planlagte filmen (tilsvarande søknadsbeløpet).

Søknaden, med saksutgreiing, vert lagt fram for Bygdeutviklingsutvalet til handsaming.

Bakgrunn for saka

Bygdeutviklingsutvalet forvaltar ei tilskotsordning for å fremje bygdeutvikling i kommunen.

I søknad av 11. juli 2020, søker Rune Langeland om kr. 7 000,- i tilskot frå ordninga til å lage ein profileringsfilm om kvalitetar ved å bu i Vaksdal kommune. Søknaden tek utgangspunkt i dagens, negative folketalsutvikling og lokale drøftingar om problemstillinga, saman med søkjar sitt eige engasjement for saka. Ynskjemålet er at filmen skal skape interesse for å flytte til bygdene i Vaksdal, og medverke til positive innbyggjartal.

Føremålet med filmen er å vise fram kva bygdene i kommunen har å by på som buplassar. Filmen skal vere kort og konkret, og hovudsakleg lagast ved å filme frå drone. Prosjektet er eit privat initiativ, og «Stamnes dronefoto Rune Langeland» står som ansvarleg for utarbeiding/produksjon. Søkjar opplyser at tiltaket ikkje er kommersielt motivert.

Søkjar har god tru på nytten/verknaden av planlagt tiltak, sidan filmen kan leggjast ut og spreia på sosiale medie, og soleis femne breitt.

Søkjar har laga eit utkast til film, og inviterer til innspel. Link til utkastet:
<https://www.youtube.com/watch?v=7nguis3MnYE&feature=youtu.be>

Det vert vist til vedlagt søknad for nærare informasjon om prosjektet.

Formelt grunnlag

Retningslinjer for tildeling av tilskot frå Bygdeutviklingsutvalet, vedtekne på møtet av 26.05.20:

- Løyving av tilskot til søknadar med søknadssum under kr. 15 000,- kan skje i kvart møte.
- Løyving av tilskot til søknadar over kr. 15 000,- skjer to gongar i året.
- Tilskotsordninga er ny, og tildelingar i tidleg fase vil kunne vere med å leggje retning for kven som seinare skal kunne søkje midlar frå BU. Utvalet må derfor vurdere om innkomne søknadar er i tråd med vilkåra for tilskotsordninga.

Vurdering og konsekvensar

Folketalsutviklinga i Vaksdal kommune er ein aktuell og mykje diskutert problemstilling. Rådmannen viser i dette høve til politikarane sine diskusjonar om utfordringar og mogelege tiltak for å fremje utviklinga. Ut frå dette vert søkjar sitt initiativ for å lage ein kort, visuell film om kvalitetane ved å bu i kommunen, vurdert som positivt. Gjennom utlegging på sosiale medie vil filmen kunne nå mange sjåarar, og skape interesse for å undersøkje butilbodet i Vaksdal nærare.

I følge retningslinjene for tildeling av tilskot til bygdeutvikling, kan det gjevast tilskot til prosjekt/tiltak/aktivitetar, og til innkjøp av materiell/utstyr. Søknaden er i samsvar med begge

kostnadstypene.

Sjølvsagt om det ikkje ligg føre eige, spesifisert budsjett, vert kostnadsoverslaget i søknaden vurdert å vere tilstrekkeleg til å innfri retningslinene sine krav om dette:

- *Innkjøp av utstyr m.m.* : *Om lag kr. 150 000,-, jf. spesifisering i søknaden.*
- *Innkjøp av drone, spesielt til føremålet* : *Om lag kr. 7 000*

Det er ikkje rekna inn kostnader med eige arbeid i søknaden, og søknadsbeløpet er lite ut frå venta prosjektkostnader. Søkjar legg opp til høg grad av eigenfinanseiring.

Rådmannen legg til grunn at lydspora/teksten til filmen får ei faktisk og objektiv framstilling.

Rådmannen vurderer at søknaden fell innanfor formålet med tilskotsordninga som Bygdeutviklings-utvalet forvaltar, og rår til løyving av kr. 7000,- til utarbeiding av filmen (tilsvarande søknadsbeløpet). Det er naturleg at tilskotet vert knytt opp mot arbeidskostnader og investeringar som følgje av prosjektet.

Løyvd tilskot bør utbetalast på bakgrunn av dokumenterte utgifter, jf. vedtak.

Fra: Rune Langeland <stamnes86@hotmail.com>
Sendt: lørdag 11. juli 2020 14:36
Til: Postmottak Vaksdal
Kopi: edvin@hesjedal.org; Ståle Hesjedal
Emne: Søknad bygdeutviklingsutvalet

Søknad om støtte til konkret prosjekt for bygdene i Vaksdal.

Det er for tida mykje snakk om negativ folketalsutvikling i vaksdal, og spesielt i bygdene våre. Som Esben Hesjedal skriv i sitt innlegg i vaksdalposten tidleg i juli, så har me mykje gode kvalitetar i kommunen vår som er verd å løfta fram. Eit problem er at folk berre kjører forbi oss, dei veit ellers lite om kva Vaksdal kommune har å tilby.

Eg tenkte difor å laga ein skrytefilm\reklamefilm for kommunen vår. Eg har filma og laga eit utkast de kan sjå, for å sjå kva tankar eg har. Denne filmen er som sagt eit utkast, tekst kans sjølv sagt endrast til noko betre, layout på tekst etc kan endrast, og lengder på klipp og anna kan endrast som ein vil.

Målet mitt med denne var å vise litt av kvar bygd, uten å gå inn på detaljar. Kort og enkelt, men nokre fine bilder. Dersom det skulle verte suksess, kan ein evt vurderer å laga ein kort snutt om kvar enkelt bygd der ein løftar fram konkrte kvalitetar frå ein og ein plass. Då kan ein få med litt folk som f.eks badar i agnavika, som spelar tennis på vaksdal, går på tur høgt oppe i fjellet med utsikt, nokon som et middag på lågen spiseri, etc.

Eg har ikkje lagt til lydeffekter i filmen enda, det kan gjerast etterpå. Den kjem meir til liv når eg får lagt på lyd frå born som leikar på leikeplassen, frå toget som kjem på stanghelle, elvesus, fuglekvitter etc. Det kan ordnast etterpå om det vert aktuelt, dette var som sagt utkast.

Eg har nyleg oppretta enk og fått org nummer 925 299 545 dersom det gjer det enklare.

Dette gjer eg fordi eg har lyst til å (forhåpentlegvis) bidra til å snu folketalsutviklinga, og ikkje for å tjene pengar på det. Ynskjer likevel å søkje om å støtte, for å dekke litt av alle utgiftene som er med dette. Ellers lar det seg ikkje gjennomføre å fortsetje med på sikt. Det kjem uansett til å gå med stort underskudd lenge, og utgifter siste

året nermar seg snart 150 000 . Då er det ikkje tatt med køyring, tidsbruk eller noko slikt. Utgifter er eksempelvis: Drone, filmkamera, ekstrautstyr som batterier, linser etc, pc kraftig nok til å kunne redigere 4k video, lydlisenser, ansvarsforsikring for skade på tredjepart under flyging, kurs og godkjenning, programvare, osv. Det er med andre ord ganske store utgifter involvert for å kunne gjere dette skikkeleg og lovleg. Då eg begynte å filma til dette holdt eg god avstand til all sivilisasjon, men så fann eg ut at eg måtte nesten ha med nyeskulen og leikeplassen på skikkeleg film også. Einaste måten å gjere dette lovleg på var å kjøpe inn ekstra drone spesiallaga for dette formålet, då vekta må vere under 250 gram for å kunne fly så tett på folk, hus og vegar. Dermed blei det kjøpt inn ny minidrone til nesten 7000kr spesielt for dette prosjektet også. Men no er den på plass, om det skulle freista dykk med meir liknande seinare.

I tillegg til direkte kostnader går det fort ein dag og to med filming og eit par dagar redigering i ettertid, så det er ein god del tidsbruk ifm etterarbeid.

Eg er sjølvsgt godkjent frå luftfartstilsynet med ro nummer, og alt er gjort lovleg heile vegen slik at filmen kan brukast og publisierast akkurat der ein ynskjer. De finn meg også på dronekartet hjå uas norway.

Andre opplista punkt de ville ha svar på ifm søknad: Kven har ansvaret: Kun meg.

Enkelt budsjett: Utgiftene er for meg løpande for å kunne drive med dette og eg kan dokumentere utgifter eg har nevnt ovanfor. Eg brukar fiken til regnskapsføring og de kan få innsikt der i utgiftene. Anna dokumentasjon får de på forespørsel.

Dokumentasjon på eigeninnsats: Det seier seg vel sjølv i dette tilfellet reknar eg med.

Vedlikehaldskostnader: Ikkje relevant. All film er tatt av meg sjølv, fri bruk ved mottak av støtte. Lydlisenser har eg kjøpt for bruk i alle fora på livstid, så dette kan brukas overallt, til evig tid.

Ta gjerne kontakt for spørsmål. Og så vert me sjølvsgt einige om justeringar på film for å få det perfekt før evt publisering.

Eg har spesielt god tru på eit slikt tiltak, fordi det enkelt kan spreiaast i sosiale media, der alle no er. Og ein film som har med alle bygdene våre, vil mange i kommunen dela. I tillegg kan det promoterast, og det skal lite til før ein når mange hundre tusen personar. Den enkle filmen til bygdasjarm som blei laga for nokre veker sidan har nådd over 7000 folk på denne tida, UTAN promoting og med relativt få delingar. Og det er ei relativt smal nisje med den gilja på vikaberget. Ein slik film som dette har sjølvsgt eit mykje større potensiale, sidan heile kommunen er interessert i å dela fine bilder og i å hjelpa med å snu folketalsutviklinga. Dessuten kan ein skreddersy promoting til å nå nabokommunane våre.

Prisen på slike oppdrag dersom ein kjøper dei frå større firma som driv med slikt, kan fort passere 50 000. Det er ikkje uvanleg at det vert tatt eit par tusen for eit enkelt stillbilde om ein bestiller det.

Søknad om støtte ifm denne filmen: 7000 kr. Då vil eg påstå at det er gjort på så godt som dugnadsinnsats. Og så håpar eg det kan vere av interesse!

Set stor pris på om det kan gjevast ei rask tilbakemelding på om det er av interesse eller ikkje.

Link til utkast film (ikkje del link vidare): <https://youtu.be/7nguis3MnYE>



Vaksdal Kommune UTKAST

Utkast til vaksdal kommune, vennligst
ikkje del vidare denne linken

youtu.be

Helsing Rune Langeland